



## ИНСОН ҚАДРИГА ҚАРАТИЛГАН МАСАЛАЛАР ИЖРОСИ КЎРИБ ЧИҚИЛДИ

Президент Шавкат Мирзиёев раислигида 7 апрель куни ички йўллارни яхшилаш, “Яшил макон” умуммиллий лойиҳаси доирасида кўчатлар экиш, давлат хизматлари кўрсатишни соддалаштириш масалалари ижроси бўйича видеоселектор йиғилиши ўтказилди.

Давлатимиз раҳбари бу учала вазифа ҳам инсон қадрини, халқ розилигини билан боғлиқ эканини таъкидлади.

Ҳақиқатан, ички йўллار аҳоли одамларни энг кўп қийнайдиган муаммо. Яқинда “Ташаббусли бюджет” портали орқали аҳолидан тушган 20 мингта таклиф ёки жами мурожаатларнинг 25 фоизи шу масалага оид бўлгани унинг долзарблигини далолат беради.

Ички йўллار сифатини яхшилаш бўйича Андижон вилоятида янги тажриба бошланган. Цемент ишлаб чиқарувчи корхоналар томонидан кластер ташкил этилиб, 31 та чекка маҳалладаги 23 километр йўл цемент-бетон қопламага ўтказилган.

Асфальт ўрнига цементдан фойдаланиш орқали қурилишдан 600 миллион сўм иқтисод қилинган, 350 минг долларлик битум импорти учун маблағ тежалган. Энг асосийси, ушбу кластер ўзи қурган йўллари 10 йил давомида кафолатли сақлашни зиммасига олган.

Ушбу тажриба асосида, Қорақалпоғистон Республикаси ва вилоятларда жами 2 минг 300 километр цемент-бетон қопламали ички йўллари барпо этиш вазифаси кўйилди.

Ҳисоб-китобларга кўра, жорий йил якуни билан маҳаллий цемент ишлаб чиқариш ҳажми 18 миллион тоннага етади. Бу билан ички эҳтиёжлар тўлиқ қопланади.

Йўл кластерлари фаолиятини қўллаб-қувватлаш учун 1 майдан бошлаб йил якунига қадар цемент-бетон қопламали йўл қуриш техникалари импорти божхона бож ва утилизиция йиғимидан озод қилинади.

Бундан ташқари, жорий йилда туман марказлари ва шаҳарларда 670 километр пйеда ва велосипед йўлакларини барпо этиш режалаштирилган. Уларни ҳам цемент-бетондан қуриш, лойиҳалашда дренаж тизимига алоҳида эътибор қаратиш зарурлиги таъкидланди.

Маълумки, 2 февраль куни бўлиб ўтган видеоселектор йиғилишида “Яшил

макон” умуммиллий лойиҳаси доирасида ҳозирги баҳор мавсумида 125 миллион туп кўчат экиш режа қилинган эди. Экология ва атроф-муҳитни муҳофаза қилиш давлат кўчатлари бўйича Тошкент шаҳрида қўчатлари ҳамда терак қаламчалари экилиши айтилди. 5 ёшдан кам бўлмаган мевали ва манзарали дарактларни бир текисда ўстириш бўйича Тошкент шаҳрида бошланган тажрибани бошқа шаҳарларда ҳам жорий қилиш лозимлиги қайд этилди.

Шунингдек, “Яшил макон” умуммиллий лойиҳаси доирасида янги сўғориш тизими ва кудук қазिश ишлари сифати ҳам кўриб чиқилди.

Кун тартибидagi навбатдаги масала — давлат хизматлари кўрсатишни соддалаштириш ва қўламини кенгайтиришга қаратилди. Аҳолига қўлайлиқни ошириш бўйича навбатдаги вазифалар белгиланди.

Хусусан, шу йил 1 июлдан бошлаб 38 турдаги давлат хизматлари учун электрон имзо билан тасдиқлаш талаби бекор қилиниб, мобил телефон орқали амалга оширилади. 6 турдаги лицензия олиш учун талаблар бекор қилинади. Аҳоли ва тадбиркорлар учун 8 дан ортиқ давлат хизмати бўйича электрон хабардор қилиш тизими жорий этилади. Аҳоли ва тадбиркорлардан коммунал ташкилотларнинг 32 турдаги ҳужжат ва маълумотномалари талаб қилинмайди. Эҳтиёжманд оилалар фарзандлари олий ўқув юртига тест синовларида иштирок этиш тўловларидан озод этилади.

Умуман, келгуси йил якунига қадар марказлар орқали кўрсатиладиган давлат хизматлари сони ҳозирги 172 тадан 300 тага, мобил илова орқали 60 тадан 250 тага етказилиши белгиланди.

Худудларда давлат хизматлари марказлари қуриш бўйича ҳам топшириқлар берилди.

ЎЗА


## Ўзбекистон Республикаси Президентининг ҚАРОРИ

### ДАВЛАТ ПЕНСИЯЛАРИ, НАФАҚАЛАР, КОМПЕНСАЦИЯЛАР ВА БОШҚА ИЖТИМОЙ ТЎЛОВЛАРНИ ТЎЛАШ ТИЗИМИНИ ЯНАДА ТАКОМИЛЛАШТИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА

Мамлакатимизда пенсия, нафақа, компенсациялар ва бошқа ижтимоий тўловларни тўлаш ва етказиб беришда фуқароларга қўлай шарт-шароитларни яратиш, тўлов тизимининг замонавий усулларини кенг жорий этиш ҳамда мазкур соҳада илғор ахборот-коммуникация технологияларидан самарали фойдаланишни ташкил этиш мақсадида:

1. Ўзбекистон Республикаси Президентининг 2021 йил 4 майдаги “Фуқароларга давлат пенсияларини тайинлаш жараёнини соддалаштириш ҳамда пенсия ва нафақаларни етказиш тизимини янада такомиллаштириш чора-тадбирлари тўғрисида”ги ПҚ-5102-сон қарорига мувофиқ пенсия ва нафақа тўловлари учун зарур маблағлар ҳар ойнинг 5-санасига қадар молиялаштириши маълумот учун қабул қилинсин.

Давоми 2-бетда



## МУНОСАБАТ

### ТАЙЁР МАҲСУЛОТ ЭКСПОРТ ҚИЛГАНЛАРГА ТАШИШ ХАРАЖАТИНИНГ 70 ФОИЗИ ҚОПЛАБ БЕРИЛАДИ

Кичик бизнес ва тадбиркорлик соҳасини қўллаб-қувватлаш ва рағбатлантириш, мамлакатимиз иқтисодий қудратини юксалтиришда муҳим ўрин тутди. Зеро, экспорт — иқтисодийёт барқарорлигининг асосий омилли. Валюта захираларини кўпайтиришнинг ягона йўли ҳам экспорт ҳажмининг кескин оширишга боғлиқ.

Шу боис, Президентимизнинг шу йил 6 апрелдаги “Ташқи савдо фаолияти иштирокчиларини қўллаб-қувватлашнинг кўшимча чора-тадбирлари тўғрисида”ги фармони маҳаллий тадбиркорлик субъектларининг экспорт фаолиятини ҳар томонлама қўллаб-қувватлаш ва рағбатлантиришга қаратилгани билан аҳамиятлидир.

Давоми 2-бетда

## 2022 йил — Инсон қадрини улуглаш ва фаол маҳалла йили

### ЯШНОБОДА ШУНДАЙ МАҲАЛЛА БОР

БУ ЕРДА БЕШ ЙИЛ ОЛДИН БИР СУҲБАТ БЎЛИБ ЎТГАН ЭДИ...



Чамаси ўн йиллар илгари мутасадди раҳбарлар бирор вилоят ёки олисроқ бир худудга бормоқчи бўлса, ташриф олдида ўнқир-чўнқир, ўйдим-чўкур йўллари наридан-бери текисланиб асфальт қилинар, ён-атроф тозаланиб, тартибга келтирилар, бино ва йўл бўйидаги иншоотлар эса хўжакўрсинга таъмирланиб, оқлаб қўйиларди.

Давоми 2-бетда

## ТАҲЛИЛ ВА ТАҚҚОС

### ТАКЛИФ КЎП БЎЛСА, БОЗОРДАГИ НАРХ-НАВО БАРҚАРОРЛАШАДИ

Халқаро экспертлар жаҳон иқтисодиётидаги ҳозирги мураккаб вазият узоқ давом этишини прогноз қилмоқда. Масалан, сўнгги бир ойда жаҳон бозорларида бугдой нархи 36 фоизга, шакар хомашеси 10 фоизга, ўсимлик ёғи нархи 2 баробарга ошган. Бу эса ички бозордаги нарх-наво, айниқса, озиқ-овқат нархлари ва инфляцияга салбий таъсир кўрсатмай қолмайди.

Давоми 4-бетда

## ЎЗБЕКИСТОН РЕСПУБЛИКАСИ ПРЕЗИДЕНТИНИНГ “ТАШҚИ САВДО ФАОЛИЯТИ ИШТИРОКЧИЛАРИНИ ҚЎЛЛАБ-ҚУВВАТЛАШНИНГ ҚЎШИМЧА ЧОРА-ТАДБИРЛАРИ ТЎҒРИСИДА”ГИ ФАРМОНИ ҚАБУЛ ҚИЛИНДИ



Мувофиқликни баҳолаш органларини халқаро ILAC/IAF ташкилотлари аъзоси ҳисобланган аккредитация идораси томонидан аккредитациядан ўтказиш билан боғлиқ харажатлар Экспортни рағбатлантириш агентлиги томонидан қоплаб берилди;



## ЭКСПОРТ ПОРТАЛИ

Икки ҳафта муддатда экспорт қилишда ташиш харажатларини компенсация қилишга субсидиялар тақдим этиладиган юқори қўшилган қийматга эга маҳсулотлар рўйхати тасдиқланиб ва унинг Экспорт қилувчиларини қўллаб-қувватлашнинг ягона порталида (www.exportportali.uz) эълон қилиб борилиши таъминланади;



ёшлар тадбиркорлигини янада қўллаб-қувватлаш, шу жумладан, инновацион технологияларга асосланган экспортбон маҳсулотлар ишлаб чиқариш ва хизматлар кўрсатиш фаолиятини рағбатлантириш мақсадида Ҳукумат комиссиясининг қарорига асосан Ёш тадбиркорларни қўллаб-қувватлаш жамғармаси маблағлари ҳисобидан уларга 500 минг АҚШ долларигача кредитлар ажратишга рухсат берилди.

### 2022 йил 1 апрелдан бошлаб:

#### 2023 йил 1 апрелга қадар:

маҳаллий корхоналар (уларнинг ваколатли вакиллари)га Европа Иттифоқи давлатларига юқори қўшилган қийматли маҳсулотларни экспорт қилишда ташиш харажатларини 70 фоизгача миқдорда компенсация қилишга субсидиялар тақдим этилади;

кўшни давлатларга экспорт қилинган юқори қўшилган қийматга эга маҳсулотларни экспорт қилишда ташиш харажатларини 50 фоизгача миқдорда компенсация қилишга субсидиялар тақдим этилади;

“БОЖХОНА ОМБОРИ” режимида олти ойдан кўп бўлган товарларнинг божхона расмийлаштирувида божхона тўловлари бўйича имтиёزلарни қўллашни тақиқловчи тартиб бекор қилинади.

“ЎЗТРЕЙД” ВА “ЎЗСАНОАТЭКСПОРТ” акциядорлик жамиятларига ташқи савдо компанияларини айланма маблағлар билан таъминлаш мақсадида Экспортни қўллаб-қувватлаш жамғармаси ҳисобидан 10 миллион АҚШ доллар маблағ ажратилади.











